

Beruniy bir yuz ellikdan ortiq asar yozgan. Ulardan o'ttizdan ko'pi bizgacha yetib kelgan. Hali shu kunga qadar olimlar Beruniyning ilm-fandagi xizmatlarini tugal o'rganib chiqqanlari yo'q. Beruniyning tugal anglaganlari yo'q. Hali shu kungacha dunyo ilm ahli tomonidan al-loma asarlariga yangi sharhlar yoziladi. Hali shu kunga qadar Beruniy borlig'idan taralgan ma'rifat yog'dusidan insoniyat bahra oladi. Buning nomi manfaatli ilm deyiladi...



(5-sahifada o'qing) ➔

NUQTAYI NAZAR

Inson umri ulkan bir kitobga qiyoslansa, to'g'risi, mening hayotimni o'zida jamlagan muhtasham kitobning ushbu kunlarga taalluqli sahifalari benihoya mazmunga to'ladi. Men mo'ysafid olimman, ammo yuragimda g'ayrat-shijoatim jo'sh uradi. O'zimni yoshlar qatorida ko'raman, ular bilan baravar fikrlashga urinaman.

Istiqlolimizning o'ttiz uchinchi yilini keng shodiyonalar bilan nishonladik. 31-avgust kuni shogirdlarim bilan baqamti o'tganlar ruhiga duo qilish uchun Shahidlar xotirasi maydoniga bordik. Urf-odatimizga ko'ra, qatag'onga uchragan bobolarimizni yodlash marosimida osh tarqatildi. Shu anjumanda Prezident bilan uchrashdim. Quchoq'im to'ldi. Beixtiyor ko'zlarimda yosh keldi.

“YURTNING KUCHI – BIRLIKDA, QADRI ESA TINCHLIKDADIR!”



Oqil SALIMOV, akademik

To'g'risi, jamiyatimizni jadid bobolari izidan borib, ular ruhini shod qilayotgan, ta'lim-tarbiya va barcha ijtimoiy-maishiy jabhalarda jiddiy o'zgarishlar me'mori bo'lgan Prezidentimiz borligidan qalbim quvonchga to'ldi. Biz o'tganlarni yodga olar ekanimiz, ular yetisholmagan, ular uchun armonga aylangan orzularning ro'yobga chiqqanini ko'rganimiz va shu kunlarda

yashab turganimiz uchun shukronalar aytamiz. Bu dil so'zlarim, bu chin gaplarim yuragimning tub-tubidan chiqayotgani uchun go'yoki yosh boladek yayrab ketaman.

Bayram munosabati bilan Respublika Prezidenti so'zlagan nutqini diqqat-e'tibor bilan eshitdim. Odatda har yili Mustaqillik bayrami kunlarida bamisoli

o'tgan oylar sarhisobi bo'ladi. "Aynan mustaqillik tufayli milliy davlatchiligimiz qayta tiklandi. O'zbekiston yangi tarixiy davrga qadam qo'ydi. Aynan istiqloq tufayli Jahon hamjamiyatidan munosib o'rin egaladik".

(Davomi 2-sahifada) ➔

BUGUNNING SHE'RI



CHIN XAZINA

Paralimpiya rekordchisi
Asila Mirzayorovaga

Bu yurtning garchi keng jazirasi yo'q,
Dengizi, ummoni – vahimasi yo'q.
Uning chin, asil, pok farzandlari bor,
Farzandan azizroq xazinasini yo'q.

Asila mingani oltin otini
Maqtayin dedim men zafar totini.
Axir, dil izhorga shoir zotining
She'ridan boshqa bir vasilasi yo'q.

Garchi u olamda o'n yildan bu yoq,
Ko'ripti na shakl, na rang, na bo'yoq,
Ko'rar ko'z yo'q, ko'rar ko'ngil bor biroq,
Ko'ngildan o'zga nur – basirasi yo'q.

U baxtdan ko'z yoshi to'ksa bir mayin,
Dil ko'zim ochildi, chog'i, bilmayin,
Muhabbat – dunyoning eng eski mayi,
Bebaxtdir, kim undan nasibasi yo'q.

Seving, nafs otidan ingani seving,
Seving, shu – kibning singani, seving,
Vatanni Asila singari seving!
Farzandning bundan cho'ng vazifasi yo'q.

Har kimning o'z aytar kalimasi bor,
Tojira, mashhura, jamilasi bor.
O'zbekning eng asil Asilasi bor!
Boshqaning bunchalik Asilasi yo'q!

Mansur JUMAYEV

PARALIMPIYACHILARIMIZ TARIX YARATMOQDA



Parisdagi Olimpiya o'yinlarida sportchilarimiz erishgan natijalar xalqimiz ko'ngliga iftixor tuyg'usini baxsh etib, mamlakatimiz bayrog'i bir necha bor baland ko'tarilgan, madhiyamiz xalqaro maydonda yangragan edi. Bu g'alabalarining shukhi tark etmay turib, Paralimpiya o'yinlarida ham sportchilarimiz ketma-ket oltin medallarni qo'lga kiritib, yurtimiz sharafini himoya qilmoqda.

(Davomi 2-sahifada) ➔

MILLAT FIDOYLARI

HURRIYAT UCHQUNLARI

Toshkent shahri. 1938-yil 9-oktyabr.

Harbiy kollegiyaning shu kuni ertalab soat 9:20 da bo'lib o'tgan sayyor yig'ilishida o'limga hukm etilgan 42 nafar mahbus O'zSSR Ichki ishlar xalq komissarligi komedanti, davlat xavfsizlik xizmati katta leytenanti Shishkin, birinchi rangdagi bosh harbiy prokuror yordamchisi Shulsin va mayor Apressyan ishtirokida Toshkentdagi hukm ijro etiladigan maxsus joyda otib tashlanadi. Ular orasida bor-yo'g'i 29 bahorni ko'rgan Inog'om Mo'minov ham bor edi.

Bundan oldinroq sobiq Ittifoq Oliy sudi harbiy kollegiyasining 1938-yil 4-oktyabrda qabul qilingan qarori bilan 52 nafar mahbus otuvga hukm etilgan. Mazkur ro'yxatning 29-raqamida Muhammad Mo'minov nomi bitilgan. Jazoni shu kuni tundayoq davlat xavfsizligi xizmati katta leytenanti Shishkin ijro etgan. Namangan shahridagi Oktyabrning 25 yilligi ko'chasida bir oilada tug'ilib o'sgan aka-uka – Muhammad va Inog'om Mo'minov mudhish "Katta terror" qurboni bo'lgan. Quyida mustabid sovet davrida Ichki ishlar vazirligi tizimida faoliyat ko'rsatib, shu rejimning qatag'oniga duchor bo'lgan Inog'om Mo'minovning fojiali hayotidan ayrim lavhalarini keltiramiz.

Qo'limizda qamoqqa olingan Inog'om Mo'minov haqidagi hujjat turibdi. Unda mahbus 1909-yili Namangan shahri, Oktyabrning 25 yilligi ko'chasi 31-uyda tavallud topgani yozilgan. Shuningdek, uning eski Buxorodagi Guzarazot ko'chasi 141-uyda yashashi, kasbi – xizmatchi, ish joyi va lavozimi – NKVD Buxoro sektori 3-bo'limi boshlig'i yordamchisi, ijtimoiy kelib chiqishi – hunarmand to'quvchi ekanligi bitilgan. Ma'lumoti quyi o'rta, partiyasiz. VLKSM a'zosi, O'zbekiston SSR fuqarosi. Xotini Zinaida Ivanovna, o'g'li Tohir Inog'omovich 6 oylik chaqaloq, qaynonasi Maria Ivanovna 55 yoshda. Inog'om Mo'minov maxsus vakolatli bo'lim tomonidan 1937-yil 26-sentyabrda qamoqqa olingan.

(Davomi 7-sahifada) ➔

TIBBIYOT



O'ZBEKISTONDA TRANSPLANTOLOGIYA ISTIQBOLLARI

Dunyo bo'yicha birinchi yurak transplantologi deb e'tirof etilgan Kristian Bernard "Hatto ko'chirib o'tkazilgan yurak ham sevishtga qodir" deganida yuz karra haq edi. Janubiy afrikalik bu benazir shifokor bir insondan boshqa bir insonga jon baxsh etguvchi yuraknigina emas, hayotning davomiylik haqiqatini ham ko'chirganini ich-ichidan his etgandir, ehtimol...

Ichki a'zolar transplantologiyasining tibbiyot sohasiga kirib kelganiga 112 yil to'lgan bo'lsa-da, bu sohada hamon yangidan yangi talqinlar ilgari surilmoqda. Ayniqsa, jigar, buyrak ko'chirib o'tkazish orqali ming-minglab bemorlar hayotga qaytayotganini hisobga olsak, bu ulkan tadqiqotlar ortida tiriklikka xizmat qilayotgan umumbashariy taraqqiyot yuz berganini anglamoq mumkin.

Yigirma birinchi asrda mamlakatlar tibbiy sivilizatsiyasini belgilovchi mezonlardan biri transplantologiyadir. Yurtimizda ham tibbiyotga, xususan, mazkur sohaga jiddiy e'tibor qaratilmoqda. 2017-yilda Vazirlar Mahkamasining "Inson organlari, to'qimalari va (yoki) hujayralarini transplantatsiya qilish haqida"gi qaroriga asosan jarrohlik yo'li bilan ichki a'zolarini ko'chirib o'tkazishga ruxsat berildi. Ayni paytda O'zbekistonda uchta transplantatsiya markazi faoliyat olib boryapti. Akademik V.Vohidov nomidagi Respublika ixtisoslashtirilgan xirurgiya ilmiy-amaliy tibbiyot markazi, Respublika shoshilinch tibbiy yordam ilmiy markazi va Samarqand viloyati ko'p tarmoqli tibbiyot markazining malakali shifokorlari soha rivojiga munosib hissa qo'shishmoqda.

(Davomi 3-sahifada) ➔



“YURTNING KUCHI – BIRLIKDA, QADRI ESA TINCHLIKDADIR!”

Boshlanishi 1-sahifada.

Bayram ma'ruzasida Prezident aytgan bu gapning o'z asosi bor. Men ham o'tgan kunlarga xayolan nazar soldim. Yurtboshimiz qardosh qo'shnilarimiz bilan hamkorlikda juda ko'plab anjumanlarda qatnashdi. Respublika rahbariyati ba'zan bu kabi ijtimoiy-siyosiy anjumanlarning tashabbuskori bo'ldi. To'g'risi, bir necha yildan beri, Markaziy Osiyo mamlakatlari o'zaro birligi, birdamligi, hamnafasligi, hamkorligi va bu jarayonda mamlakatimiz olib borayotgan oqilona siyosatni jahondagi ma'naviyat-ma'rifat ahli e'tirof etayotir. Bizning diyorga xolis nazar bilan qarayotgan dunyo siyosatdonlari o'zgarishlarni ham, tashabbuskorligimizni ham tan olayotgani siri emas. Men mo'ysafid olim sifatida duo qilib: “Yurtimizga ko'z tegmasin. O'zbekiston gullab yashnasin!”, deyman. Oqqan daryo o'zani bo'ylab oqaveradi. Yangi o'zanlarni ham bunyod qilaveradi. Bular ham muhim. Shunga monand jahon adabiyotiga o'zining buyuk asarlari bilan bebaho hissa qo'shgan alloma adib Chingiz Aytmatovning: “O'zbekiston mening qalbim, mening yuragim. Bu mening ruhim va tanam nafas oladigan va dam oladigan joy. Bu ajoyib O'zbekiston – madaniyat beshigi”, degan ulug'vor e'tirofini yoshlar orasida ko'p takrorlayman. “O'zbekiston – madaniyat beshigi”. Bu shunchaki oddiy gap emas. Tafakkur chig'irig'idan ming marta o'tgan, pishib, yetilgan va juda o'ylab aytilgan hikmat. O'zbekiston tafakkur egalari, tashabbus sohiblarining yurti. Madaniyat, san'at, ilm-fan gullagan o'lka. Balki erkisizlik zamonlarida bir muddat soyada turgandir u. Ammo bugun dunyo ahlining oldida o'z aql-zakovatimiz bilan hech kimdan kam emasligimizni namoyon qilmoqdami. Parij olimpiadasida g'olib bo'lgan nabilalarimning ko'ksini bezab turgan oltin-kumush medallarga nazar solib, boshim osmonga yetdi. Ularning musobaqalardagi kurashlari, bokschilarning ringdagi bahodirona olishuvlarini kuzatib, to'g'risi, teleekran qarshisida o'rinimdan turib ketgan mahallarim ko'p bo'ldi. “Bugungi kunda navqiron farzandlarimiz Yangi O'zbekiston ravnaqiga munosib hissa qo'shmoqda”. Bayram munosabati bilan Prezident shunday haq gapni aytdi. Parijda g'alabaga erishgan nabilalarimning har birini alohida tilga oldi. Shu mahal men ham ularga tasannolar aytdim. Zotan, sportdagi yutuqlar mustaqil O'zbekistonimizni dunyoga tanitmoqda. Bu sohada o'z kuch-qudratini namoyon qilayotgan O'zbekistonning mard Ulug'bek-u Bahodirlari, Diyoradek irodasi mustahkam qizlari dunyoning eng yuksak shohsupalarida ko'ksini kerib turishdi.

Azizlar, ilm-fandagi dunyo bo'ylab yurishlarimiz ham xuddi shu maromda, shunday yuksak darajada davom etmo'gi lozim. Ayni dam ushbu beqiyos qiyoslarni o'ylaganimda xayolimga yoshlikda o'qigan akademik shoirimiz G'afur G'ulomning:

“Bizda logarifmaning mushkul muammolari, Qo'ldagi barmoqlarday oddiy qilinganda hal.



“Men hurmatli ota-onalarga qarata aytmoqchiman: qizlaringizni o'qiting, orzu-umidlarini ro'yobga chiqarishlarida ularga ko'makchi bo'ling! Ulug'larimiz aytganlaridek, o'g'il bolani o'qitsak, bir kishi savodli bo'ladi. Qiz bolani o'qitsak, butun oila, butun jamiyat bilimli bo'ladi!”

Shavkat MIRZIYOYEV

“Oliy irq” da'vogari, Cherrillning bobolari, Hatto sanay olmasdi o'n barmoqni mukammal”, – degan misralari bot-bot xayolimga kelaveradi. Biz buyuk ajdodlarga munosib vorislar bo'lishimiz lozim. Tarix haqiqati, chin haqqoniyat shudir. Shunda o'tgan ulug' allomalarning ruhlari-da shod bo'ladi, albatta.

“Yurtning kuchi – birlikda, qadri esa – tinchlikdadir!” Juda donishmandlarga xos topib aytilgan bu hikmatni aslo esdan chiqarish kerak. Buni har bir o'zbekistonlik chuqur mulohaza bilan o'ylab ko'rsin. Tinchlik – bebaho ne'mat. Dunyoning turli mintaqalaridagi xunrezlik va notinchliklarni ko'rib, eshitib, Prezident aytgan gapning naqadar to'g'ri ekanini anglash qiyin emas. Anglab, jim o'tirishning o'zigina kifoya qilmaydi. Azizlarim, birlik uchun, tinchlik uchun har birimiz qo'limizdan kelgan harakat qilmog'imiz lozim. Yaqin tarixda bo'lgan notinch kunlarni, sal nariga borilsa, urush ofatlarini biz o'z ko'zimiz bilan ko'rdik. Tinchlik ortidan el obodligi, to'qchilik va farovonlik keladi.

Prezident ota-onalarga qarata aytgan juda muhim bir fikrga alohida e'tibor berib o'tirdim: *“Men hurmatli ota-onalarga qarata aytmoqchiman: qizlaringizni o'qiting, orzu-umidlarini ro'yobga chiqarishlarida ularga ko'makchi bo'ling! Ulug'larimiz aytganlaridek, o'g'il bolani o'qitsak, bir kishi savodli bo'ladi. Qiz bolani o'qitsak, butun oila, butun jamiyat bilimli bo'ladi!”* Asrlar tajribasidan o'tib kelayotgan, dunyodagi eng rivojlangan mamlakatlarda o'z turmush tarziga tatbiq etgan, o'z vaqtida bizning ulug'larimiz aytgan beqiyos bir haqiqatni Prezident yodimizga soldi.

Yangi O'zbekistonni barpo etishning beshta ustuvor yo'nalishiga e'tiborini qaratgan Prezident birinchi navbatda “sifatli ta'lim tizimini yo'lga qo'yish”ni aytib, yana “Muammolarning yechimi, savollarning javobi faqat va faqat ta'limda. Hamma eshiklarni ochadigan kalit ham – faqat va faqat ta'lim va tarbiyadir”, degan ta'kididan keyin yetmish yilga yaqin shu sohada faoliyat olib borayotgan uchun ich-ichimdan quvondim. Prezidentning bu durdona fikri jaded allomalarning fikriy dasturlariga, jadidona qarashlariga uyg'un. Biz Yangi O'zbekistonni bunyod qilayotgan ekanimiz, bu muhtasham asriy imoratning barcha muammolarini ta'lim va tarbiya vositasida hal qilamiz, albatta. Inson tanasida shunday bir a'zo bor u tuzalsa, hamma a'zolar sog'lom bo'ladi. U – yurak. Jamiyatni bir inson organizmiga qiyoslaydigan bo'lsak, uning ta'lim-tarbiya bilan mashg'ul bo'ladigan juda muhim bir tashkiloti bor. U – maktab, oliy o'quv yurtlari. Shu dargohlari sog'lom bo'lgan jamiyat kelajakda buyuk taraqqiyotga erishadi. Men bunga qat'iy ishonaman!

Men mustaqil davlat sifatida oyoqqa turish qanchalik murakkab ekanligini yaxshi bilaman. Shuning uchun bu yo'lda sizlar bilan yakdil va hamqadamligimizdan juda xursandman. Mamlakatlarimiz o'rtasidagi o'zaro hamkorlik va almashinuv barcha sohalarida yanada kengayishi, aloqalarimiz iqtisodiyot, tibbiyot, ta'lim sohasida tobora mustahkamlanishi tarafdorim. Ayni paytda O'zbekistondan kelgan nemis tili o'qituvchilarining katta guruhi Saksoniya-Anhalt federal o'lkasida o'zlarining bilim va malakasini oshirmoqda. Bunday hamkorligimiz uzoq yillar davom etishi va xalqlarimiz o'rtasidagi munosabatlar yanada rivoj topishiga ishonaman.

E'TIROF



Gunnar SHELLENBERGER,
Germanianing Saksoniya-Anhalt federal o'lkasini prezidenti:

O'zbekiston hamkorlikka munosib mamlakatdir

– O'zbekiston bilan ko'p yillardan buyon ishonchli va do'stona hamkorlik olib borayotganimizdan juda mamnunman. Prezident Shavkat Mirziyoyev tomonidan mamlakatimizda keng qamrovli islohotlar amalga oshirilayotganining guvohi bo'lmoqdamiz.

Shaxsan o'zim Saksoniya-Anhalt federal o'lkasini rahbari va hozirda “Germaniya-O'zbekiston forumi” prezidenti sifatida ishonch bilan ayta olamanki, so'nggi yillarda ko'plab sohalarda samarali hamkorlikni yo'lga qo'yishga erishdik. O'zbekiston bugun xalqaro miqyosda Germaniya va Saksoniya-Anhalt federal o'lkasini uchun hamkorlikka munosib mamlakatdir.

Davlatlarimiz o'rtasida ko'plab umumiy jihatlari mavjud. O'zbekistonda kechayotgan barcha o'zgarishlar Germaniya tomonidan ham qo'llab-quvvatlanmoqda. Hozirda yoshlar bilan ishlash, ta'lim, malakali mutaxassislar va ishchilar almashinuv sohaslarida samarali natijalarga erishmoqdamiz. So'nggi paytlarda aloqalarimiz yanada tez sur'atlar bilan rivojlanmoqda. Hamkorligimiz tufayli oramizdagi do'stlik rishtalari, birodarlik aloqalari mustahkamlandi. Bu shaxsan meni juda quvontiradi.

Men mustaqil davlat sifatida oyoqqa turish qanchalik murakkab ekanligini yaxshi bilaman. Shuning uchun bu yo'lda sizlar bilan yakdil va hamqadamligimizdan juda xursandman.

Mamlakatlarimiz o'rtasidagi o'zaro hamkorlik va almashinuv barcha sohalarida yanada kengayishi, aloqalarimiz iqtisodiyot, tibbiyot, ta'lim sohasida tobora mustahkamlanishi tarafdorim. Ayni paytda O'zbekistondan kelgan nemis tili o'qituvchilarining katta guruhi Saksoniya-Anhalt federal o'lkasida o'zlarining bilim va malakasini oshirmoqda.

Bunday hamkorligimiz uzoq yillar davom etishi va xalqlarimiz o'rtasidagi munosabatlar yanada rivoj topishiga ishonaman.



Boshlanishi 1-sahifada.

Mamlakatimiz rahbarining sportga va yoshlar masalalariga qaratayotgan birday e'tiborining mahsuli sifatida bo'y ko'rsatayotgan bu yutuqlar sportsevar xalqimizning qalbiga cheksiz g'urur va faxr tuyg'ularini bag'ishlamog'ida. Ta'kidlash o'rinni, o'yin natijalari, yig'it-qizlarimizning munosib ishtiroki borasidagi muhokamalar bugun kun mavzusiga aylangan. Qizg'in tusda o'tayotgan Parij-2024 Paralimpiya o'yinlarida yurtimizning ayni paytdagi natijalari, o'tgan o'yinlardagi yutuqlar va shu kunga qadar yig'ilgan medallar haqida ma'lumotlar gazetxonlar uchun qiziq bo'ladi, deb o'ylaymiz.

O'zbekiston bu yilgi Paralimpiya o'yinlarida 5-sentyabr holatiga ko'ra 6 ta oltin, 5 ta kumush va 4 ta bronza medali bilan kuchli o'likda bormoqda. Paraatletika bo'yicha Elbek Sultonov, Qudratilloxon Ma'rufxo'jayev, Boburjon Omonov, Yorqinbek Odilov, Asila Mirzayorova – oltin, Doniyor Saliyev, Kubaro Hakimova – kumush, Tolibboy Yuldashev, Nurxon Qurbonova, Mohigul Hamdamova – bronza medallarini qo'lga kiritgan bo'lsa, parataekvondo bo'yicha



PARALIMPIYACHILARIMIZ TARIX YARATMOQDA

Asadbek Toshtemirov oltin, Ziyodaxon Isoqova, Guljonoy Naimova – kumush, para o'q otish bo'yicha Server Ibragimov kumush va parasuzish bo'yicha Muslima Odilova bronza medali sohibiga aylandi.

1960-yildan buyon o'tkazib kelinayotgan ushbu o'yinlarga mamlakatimiz 2004-yildan beri ishtirok etib keladi. Dastlabki ikki o'yinda – 2004 va 2008-yillardagi Paralimpiada bizga medallar nasib qilmagan. Og'ir atletika sport turi bo'yicha ishtirok etgan Yusuf Qodirov Paralimpiya o'yinlarida qatnashgan ilk o'zbek sportchisiga aylandi.

2012-yilgi London Paralimpiadasida esa atigi bitta kumush medal bilan 57-pog'onani band etgandik. O'shanda medal sohibi bo'lgan Sharif Xalilov Paralimpiya o'yinlarida medal olgan ilk o'zbek sportchisi bo'lgandi.

2016-yil Rio de Janero shahrida bo'lib o'tgan Paralimpiada jami 8 ta oltin, 6 ta kumush va 17 ta bronza bilan 16-o'rinni qo'lga kiritganmiz. Yengil atletika bo'yicha 3 ta oltin, 1 ta kumush, 3 ta bronza, dzyudo bo'yicha 3 ta oltin, 1 ta kumush, 4 ta bronza, suzishda 2 ta oltin, 4 ta kumush, 6 ta bronza, og'ir atletika va o'q otish bo'yicha 1 tadan bronza medallariga ega chiqqanmiz o'shanda.

2021-yilgi Tokio Paralimpiadasida ham jami oltinlarimiz soni 8 ta edi. Shuningdek, 5 ta kumush va 6 ta bronza medali bilan unda ham 16-o'rinni egallagandik. Yengil atletikadan 5 ta oltin, 2 ta kumush, 2 ta bronza, dzyudodan



2 ta oltin, 2 ta kumush, 2 ta bronza, taekvondodan 1 ta oltin, og'ir atletikadan 1 ta kumush, suzishdan 2 ta bronza medallari bizniki bo'lgandi.

Sport turlari bo'yicha o'tgan yillardagi jami medallarimiz

sarhisob qilinganda quyidagi raqamlar kelib chiqadi: yengil atletika bo'yicha 8 ta oltin, 3 ta kumush, 5 ta bronza, jami 16 ta. Dzyudo bo'yicha 5 ta oltin, 4 ta kumush, 8 ta bronza, jami 17 ta. Suzishda 2 ta oltin, 4 ta kumush, 8 ta bronza, jami 14 ta. Taekvondo bo'yicha 1 ta oltin. Og'ir atletikada 1 ta kumush, 1 ta bronza, jami 2 ta medallimiz bor. O'q otishda 1 ta bronza ham qo'shsak, yurtimizning o'tgan Paralimpiya o'yinlaridagi umumiy medallari soni 51 tani tashkil etadi.

2024-yilgi Parij Paralimpiya o'yinlarida hozircha sportchilarimiz yengil atletika bo'yicha 5 oltin, 2 kumush, 3 bronza, jami 10 ta medallimiz, taekvondo bo'yicha 1 oltin, 2 kumush, jami 3 medallimiz, o'q otish bo'yicha 1 kumush, suzish bo'yicha 1 bronza, jami bo'lib 15 ta medallimiz naqd qilib turibdi. Hali imkoniyatlarimiz, oltin medal olishi mumkin bo'lgan sportchilarimiz bor.

Bu yilgi o'yinlarda 65 nafar o'zbekistonlik sportchi 9 sport turi bo'yicha ishtirok etmoqda.

Qolgan paralimpiyachilarimizga ham muvaffaqiyat tilaymiz, ularning har biriga yurtimiz bayrog'ini baland ko'tarish, sharafini munosib himoya qilish nasib etsin. Mana shu jo'shqin sport o'yinlarining shukhi xalqimizni yanada jipslashtirsin, sport dunyo xalqlarini bir-biri bilan yanada yaqinroq do'stlashtiraversin. Sportchilarimizga ulkan zafarlar yor bo'lsin!

Oqil ABDUBARNOYEV



AKS SADO

TARIXNING VAZIFASI NIMA?



TARIXIMIZNI TERAN BILAYLIK

Жафолаш қирғида кўп боқин-чиқарни кўрдик. Хир бири келиб, кўрдик...

Men taniqli adib Muhammad Alining "Jadid" gazetasi... Men taniqli adib Muhammad Alining "Jadid" gazetasi...

Sotsializm esa insoniyat rivojining cho'qqisi bo'lgan saodati, farovon jamiyat sifatida talqin etilardi. Go'yoki biz ana shu cho'qqida edik...

Men Muhammad Xorazmshoh boshqargan Xorazm sultanati Sharqdagi eng yirik, qudratli, rivojlangan davlatlaridan biri hisoblanar edi...

IX-XI asrlarda dunyoda yuz bergan Birinchi Renessans ham aynan bizning yurtimizdan boshlangani bejiz emas. O'shanda ajdodlarimiz jahon ilm-fanining yetakchilari bo'lishgan...



"ITTIFOQ-U G'AYRAT-U HIMMAT KERAK..."

Shoir Karimbek Kamiy (1865-1922) she'rlari- dan birida: O'qung ash'ori birkur fikrni... Atorud tashlasun qo'ldin...

sonida Mahmudxo'ja Behbudiyning "Ne uchun ilifot etmaydurlar?" maqolasi chop etildi. Gazeta muharriri mazkur maqolada "milliy jaridaga, milliy xizmatga ahamiyat bermaydilar", deb "qalamlik turkistonli"lardan shikoyat qiladi...

Temur SHIRINOV, tarix fanlari doktri, professor, O'zbekiston Respublikasi fan arbobi

Olim OLTINBEK, filologiya fanlari nomzodi, dotsent

